

Na osnovu člana 8. Zakona o ministarskim, vladinim i drugim imenovanjima („Službene novine Federacije BiH“, br. 12/03, 34/03 i 65/13) i tačke V. Odluke o kriterijima za nominiranje/imenovanje direktora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe („Službene novine Kantona Sarajevo“, br. 8/05, 24/05 i 32/17), Upravni odbor Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, raspisuje

JAVNI KONKURS

za imenovanje na poziciju direktora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe

1. Predmet Javnog oglasa:

Oglašava se pozicija:

Direktor Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.

2. Opis pozicije direktora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe

Fondom Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u daljem tekstu: Fond) rukovodi direktor.

Direktor Fonda:

- predstavlja i zastupa Fond,
- izvršava odluke Upravnog odbora Fonda,
- stara se o pravilnom i zakonitom materijalno-finansijskom poslovanju Fonda,
- rukovodi stručnim i administrativnim poslovima Fonda,
- vrši i obavlja druge poslove i zadatke u skladu sa zakonom, Odlukom o osnivanju Fonda i Statutom Fonda.

Direktor Fonda imenuje se na period od četiri (4) godine sa mogućnošću ponovnog imenovanja.

3. Opći uvjeti

Za direktora Fonda može biti nominiran/imenovan kandidat koji ispunjava slijedeće opće uvjete:

- da je državljanin Bosne i Hercegovine;
- da je stariji od 18 godina;
- da ima opću zdravstvenu sposobnost za obavljanje navedene pozicije;
- da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
- da se na njega ne odnosi član IX.1. Ustava Bosne i Hercegovine;
- da nije osuđivan za kazneno djelo, privredni prijestup, nespojiv s dužnošću rukovodioca Fonda;
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Službeni glasnik BiH“, br. 16/02, 14/03, 12/04, 63/08, 18/12 i 87/13);
- da nije na bilo kojoj funkciji u političkoj stranci.

4. Posebni uvjeti

Kandidati koji se imenuju/nominiraju na poziciju direktora Fonda moraju ispunjavati slijedeće

posebne uvjete, i to:

- da ima VSS spremu - završen građevinski ili arhitektonski fakultet ili visoko obrazovanje prvog ciklusa bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa bolonjskog sistema studiranja građevinske ili arhitektonske struke;
- da ima najmanje pet (5) godina radnog staža na rukovodnim poslovima;
- da ima komunikacijske i organizacijske sposobnosti kao i sposobnosti za timski rad;
- poznavanje jednog stranog jezika i
- da nema privatni - finansijski interes u Fondu za čijeg se direktora kandiduje.

5. Kandidovanje

Svi kandidati koji budu stavljeni na listu sa užim izborom, biće pozvani na intervju pred Komisijom za izbor direktora Fonda.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja i na uvid Komisiji za izbor pokazati ličnu kartu.

Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka („Službeni glasnik BiH“, br. 49/06, 76/11 i 89/11-Ispravka).

Na Odluku o imenovanju direktora Fonda zainteresovana stranka može podnijeti prigovor na konačno imenovanje u skladu sa Zakonom o ministarskim, vladinim i drugim imenovanjima Federacije Bosne i Hercegovine.

6. Sadržaj prijave i spisak potrebnih dokumenata

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata (ne starije od 6 mjeseci), izuzevši dokumente koji su trajnog karaktera, kao dokaz o ispunjavanju općih i posebnih uvjeta traženih ovim oglasom i to:

- 1) Uvjerenje o državljanstvu Bosne i Hercegovine;
- 2) Saglasnost (ovjerena izjava data kod nadležnog organa) da Upravni odbor po službenoj dužnosti može pribaviti uvjerenje da kandidat nije osuđivan za krivično djelo i za privredni prestup nespojiv sa obavljanjem dužnosti direktora Fonda;
- 3) Diploma o završenoj školskoj spremi;
- 4) Potvrda o radnom stažu na rukovodnim poslovima (potpisana i ovjerena od strane poslodavca);
- 5) Uvjerenje ili ovjerena izjava data kod nadležnog organa kojom se potvrđuje da kandidat nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
- 6) Ovjerena izjava data kod nadležnog organa kojom kandidat potvrđuje da se na njega ne odnosi član IX.1. Ustava Bosne i Hercegovine;
- 7) Ovjerena izjava data kod nadležnog organa kojom kandidat potvrđuje da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa Bosne i Hercegovine, institucijama vlasti Bosne i Hercegovine („Službeni glasnik BiH“, br. 16/02, 14/03, 12/04, 63/08 i 18/12);
- 8) Dokaz o poznavanju jednog stranog jezika;
- 9) Ovjerena izjava data kod nadležnog organa kojom kandidat potvrđuje da nema privatni – finansijski interes u Fondu za čijeg se direktora kandiduje;
- 10) Ovjerena izjava data kod nadležnog organa kojom kandidat potvrđuje da nije na bilo kojoj funkciji u političkoj stranci.

Izabrani kandidat je dužan dostaviti ljekarsko uvjerenje, izdato nakon objave konkursa, po okončanju javnog konkursa.

Prijave sa traženim dokumentima kao dokazom se dostavljaju lično ili poštom preporučeno, s naznakom:

„PRIJAVA NA JAVNI OGLAS ZA DIREKTORA FONDA KANTONA SARAJEVO ZA IZGRADNJU STANOVA ZA ČLANOVE PORODICA ŠEHIDA I POGINULIH BORACA, RATNE VOJNE INVALIDE, DEMOBILIZIRANE BORCE I PROGNA NE OSOBE – NE OTVARAJ“.

Prijave se dostavljaju na slijedeću adresu: Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, ul. Hivzi Bjelevca broj 54, Bačićko polje Stup-Ilidža.

Konkurs će biti objavljen u “Službenim novinama Federacije BiH” i „Dnevnom avazu”.

Konkurs ostaje otvoren 15 (petnaest) dana od dana posljednjeg javnog objavljivanja.

Neblagovremene i nepotpune prijave neće biti razmatrane.

Predsjednica Upravnog odbora


Adha Masnopita

